

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 11. stav 2. Zakona o koncesijama - Prečišćeni tekst („Službene novine Zeničko-dobojskog kantona, broj: 5/03), na prijedlog Ministarstva za privredu, Vlada Zeničko-dobojskog kantona, na 149. sjednici, održanoj dana 07.04.2022. godine, d o n o s i

O D L U K U

o izmjenama Odluke o dodjeli koncesije za istraživanje i eksploataciju mineralne sirovine- olova, cinka i barita, na proširenom ležištu „Rupice-Borovica“ i „Veovača-Orti-Selište-Mekuše“, u Općini Vareš

Član 1.

(Izmjena člana 1.)

U Odluci o dodjeli koncesije za istraživanje i eksploataciju mineralne sirovine - olova, cinka i barita, na proširenom ležištu „Rupice-Borovica“ i „Veovača-Orti-Selište-Mekuše“, u Općini Vareš („Službene novine Zeničko-dobojskog kantona“, broj: 15/18), u članu 1. riječ „Sarajevo“, zamjenjuje se riječju „Vareš“.

Član 2.

(Izmjena člana 2.)

U članu 2. stav 4. riječ „Sarajevo“ zamjenjuje se riječju „Vareš“.

Član 3.

(Izmjena člana 4.)

U članu 4. stav 1. tačka a) mijenja se i glasi:

„Vrijeme koncesije za istraživanje na proširenom polju je do 31.03.2023. godine, a vrijeme koncesije za eksploataciju na proširenom polju je 20 godina, računajući od dana potpisivanja Ugovora o koncesiji.“

Član 4.

(Realizacija Odluke)

Zadužuje se Ministarstvo za privredu Zeničko-dobojskog kantona da u skladu sa ovom odlukom i odredbama Zakona o koncesijama potpiše Anex koncesionog ugovora sa privrednim društvom „Eastern Mining“ d.o.o. Vareš.

Član 5.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-14-5757/22

Datum, 07.04.2022. godine
Zenica

PREMIJER

Mirnes Bašić

DOSTAVLJENO:

1x Ministarstvo za privredu,
1x Općina Vareš, putem Ministarstva,
1x „Eastern mining“ d.o.o. Vareš, putem Ministarstva,
1x „Službene novine Zeničko-dobojskog kantona“,
1x a/a